



UKA 2015/46
4. november 2015
Peter Olsen

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 9, 3. december 2012-imeersumi nalikillilersuineranut maleruagassat kingullermik allanngortinnerisigut aningaasaqarnikkut kingunerisassai pillugit kingusinnerpaamik UKA2016-imut atatillugu saqqummiunneqartussamik nalunaarusiornissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiornikkut takutinneqassaaq allannguuteqarneq ingerlatsiveqarfinnut mikinerusunut akunnattumillu angissusilinnut aningaasaqarnikkut kinguneqarsimanersoq. Taamatuttaaq nalunaarusiami ingerlatseqatigiiffiit atortussanik nutaanik aningaasaliiffigisaminnillu nalikillilersuisinnaanerit siunertaralugu aningaasatigut kingunerisat nalilersuinernik imaqartinneqassaaq.

(Inatsisartunut ilaasortaq Agathe Fontain, Inuit Ataqatigiit)

Inatsisartunut ilaasortap Agathe Fontainip IA-meersup, qulaani pineqartoq pilugu oqaluuserisassatut siunnersuutaanut matumuuna Inuit Ataqatigiinniit imatut oqaaseqaateqassavut.

Soorlu siunnersuuteqartup siunnersuuteqarnermini apeqquteqaateqarfiginiaraa ujjartorniagaalu tassalu; Nalikillilersuineranut maleruagassaaq kingullermik 2012-mi allanngortikkatsigu, tamanna ingerlatsivinnut minnerusunut akunnattumillu angissusilinnut aningaasaqarnikkut qanoq kinguneqarpa Allanguinerullu qanoq kinguneqarsimaneranik paasinnikkusunermik apeqquteqaatalik, aammattaaq tamanna tungavigalugu naalakkersuisut nalunaarusioqqullugit peqquneqarnissaanik piumasaqarnissaaq pisariaqartoq, Inuit Ataqatigiinniit paasilluarparput, isumaqatigaarpullu.

Agathe Fontain taamatut siunnersuuteqarnermini tungavilersuutimi ilaatut taava, ingerlatsivinnut annikitsunut akunnattumillu angissusilinnut aningaasatigut pitsaavallaanngitsumik kinguneqarsimasooq, tamanna 2012-mi nutaamik inatsisitigut allannguisimanerput.

Inuit Ataqatigiinniit siunertarinngilerparput ingerlatsiviit sulluunniit akornusersussallugit. Illuatungaaticullu akileraartarnikkut, sukkului tamatigut pitsaasumik atugassaqarnissaat Inuit A-niit kissaatigilluinnarparput anguniartuarparpullu.

Taamaattumik, taamatut naatsumik oqaaseqarluta, Agathe Fontainip nalunaarusiortoqarnissaanik kissaataa taperserlugu taamatut isikkoqartillugu akueraarput.

Qujanaq